

Budapest, 19. XI. 28.

R. 26

Honorato coidealista,

Passus necessario causa Hungara Heroldo me habe facto, sperabile illos habe successo.

Cause articulos in periodicos nationale me jam de longo habe intentione publicare ullo in Pester Lloyd, in que in septembro appare critica de Novial per Dr. Rubinyi, et in nowembro responso per Occidentalista; et in Nyugat, ultra seriose revista litterare, Die Neue Rundschau in Hungaria.

Dom. János Honti, quemquam trans occupato, habe affabilitate de scribere articulo, typographizato et nunc misso per me. Me ipso mitte etiam notitia interlinguale, fructu de probas de traductione, que debe essere publicato ante articulo de dom. Honti.

Quam me nosce, historia in parte bibliographico prans completo nunc es illo Russo per Drezen. Me prece Vos mutuare /sed vero mutuare! / illo ad me.

Cum isto epistola me mitte ad Vos concepto de cap. I. ex meo opere. Me debe dicere pauco ad id. Pro comprehendere recto me, homo debe potere cogitare quam sociologo, et deliberare se de omne dogma, etiam de dogmas de lingua contemporane. Cf. critica de lingua per Fritz Mauthner. Misso per me es solo introductione theoretico, vero satisfactioe de illo es, in ordine redigere systemas, etsi non ordine causale, sed sociale: in historia pragmatico. Meo opinione es, ut ideas evolue finte maturo. Progressione de maturizatione es visibile in singulo sytemas et probas. Pro potere creare historia pragmatico, me debe sequere evolutione, ~~trans~~ et de omne idea singulo, et de totalitate, que es labore immenso, et progrede pro meo magno occupatione solo lente.

Addito es programmate de Officio Interlinguistico. Si Vos consenti, me prece Vos dare permissione ad illo de functionare quam repre-

sentanto de ApI pro Hungaria.

Salutationes cordiale de

*János Liliágyi.*

Juncto:

Amore et Psyche in fabulas et sagas,	2 fol.
"Grammatica rationalis etc."	2 fol.
Fragmento /Cap.I./	6 fol.
Programmata	1 fol.